

將欲飲之章第三十六

魚不可脫于淵

義云春秋僖二十八年晉文公使楚怒而戰乃執曹侯卑于宋楚果伐宋文公因而戰楚師敗績文公復召周襄王于河陽以諸侯見且使王狩故大合諸侯而欲以尊畜天子以為名義自嫌雖大不敢朝周喻天王出狩因得盡君臣之禮皆請而不正之事也仲尼曰以臣召君不可以訓書云天王狩于河陽非其地也若此尚為誦謬死姦臣小人弄權欺主乎

唐玄宗御製道德真經疏卷之二

唐玄宗御製道德真經疏卷之三

上德不德章第三十八

上仁為之而無以為

義云小惠未字者春秋莊十年魯人曹劌對魯公之語也是歲正月公敗齊師于長勺將戰曹劌請見其鄉人曰肉食者謀之又何問焉劌曰肉食者鄙未能遠謀乃入見問何以戰公曰衣食所安弗敢專也必以分人對曰小惠未遍民弗從也公曰攝牲玉帛弗敢加也必以信對曰小惠未字神弗福也公曰小大之獄雖不能察必以情對曰忠之屬也可以一戰戰則請從公與之乘戰于長勺公將鼓之劌曰未可齊人三鼓劌曰可矣齊師敗績公將馳之劌曰未可下視其轍登軾而望之曰可矣遂逐齊師既剋公問其故對曰夫戰勇氣也一鼓作氣再鼓衰三而竭彼竭我盈故剋之夫大難測懼有伏焉吾視其轍亂望其旗靡故逐之上禮為之

才三

疏曲為之防○義云制禮以防民曲也故失道而後德

義云春秋昭二十六年晏子對齊景公曰禮之為國為國與天地並君令臣恭父慈子孝兄愛弟敬夫和妻柔姑慈婦聽禮也君令而不違臣恭而不貳父慈而教子孝而歲兄愛而友弟敬而順夫和而義妻柔而正姑慈而從婦聽而婉謂之善物也公曰善哉寡人而今而後聞此禮之上也對曰先王所稟於天地以為其民也是以先王上也則理世之道禮為急矣

昔之得一章第三十九

侯王得一以為天下正  
義云春秋曰今之王古之帝也昔堯舜之前皆稱為帝舜授於禹禹以謙讓自云德不及帝故去帝稱王亦云禹沒禪位於益禹之子啓居于箕山啓賢故諸侯去益而朝啓禹雖有禪益之名而天下之人皆歸於啓啓以德不及五帝乃自稱王自是之後皆以王為號至秦併天下吞滅諸侯獨

為一統乃上採三皇下兼五帝通為皇帝之號焉今之王爵居五等之上漢法非劉氏不王非功臣不侯自是相承以天子之衆子為王嫡為太子自周有天下王之子為王子之孫為王孫國朝定法以皇帝之孫姪為郡王承嗣者為嗣王異姓有功者封王或錫以美號或封郡王然皆無列土之位矣

天無以清  
義云晉惠帝元康年中人君德衰天示災變天裂數丈殷然有聲是失中和之道也自此西晉版蕩惠帝哀帝皆罹其咎地無以寧

義云史記云周幽王二年辛酉西周三川皆震岐山崩春秋二百四十二年地震有五又有梁山崩沙鹿崩石言算妖異洎秦漢已降不可勝紀大則淪陷城邑小則摧圮廬舍也

神無以靈  
義云春秋僖三十二年七月神降于莘號

公享之周惠王河內史過曰是何故也對曰國之將興明神降之鑒其德也將亡神亦降之觀其惡也故有得神以興亦有得神以亡虞夏商周皆有之矣號多涼德其將亡乎後魏國遂滅昔河神為虐娶女子人西門豹投巫於河其害遂息

谷無以盈  
義云老君曰伊維竭而夏亡河竭而商亡周幽王辛酉川竭山崩周亡之徵也亡不過十年數之紀也數及於十紀猶極也十一年庚申西周為犬戎所滅平王東遷是也

侯王無以貴高  
義云侯則晉靈公夷皋宋昭公杵臼齊懿公商人陳靈公平國是也王則夏之太康殷之武乙周之幽厲漢之桓靈是也  
疏天生萬物惟人為靈○義云書太誓篇文也

故貴以賤為本  
疏民惟邦本詩云懼憐君子○義云尚書

五子之歌也懼憐者詩大雅泂酌為之詞也

是以侯王自謂孤寡不殺  
疏孤與二三臣倖心失圖

義曰孤與二三臣者春秋昭七年二月楚子成章華之臺願與諸侯落之官室始成祭之為落也太宰為晉啓疆曰臣能得晉侯遠矣啓疆來召公辭曰昔先君成公命我大夫嬰齊曰吾不忘先君之好將使衛父照臨楚國鎮撫其社稷以輯寧爾民嬰齊受命于蜀盟盟在成二年奉承以來弗敢失頊而致諸宗祧自我先君恭王引領北望日月以冀傳序相授于今四王矣謂恭康却教靈王也嘉惠未至唯襄公之辱臨我喪孤與二三臣倖心失圖社稷之不

違况能懷思君德今君若步王跣辱見寡君寵靈楚國以信蜀之役致君之嘉惠是寡君既受貶矣何蜀之敢望其先君鬼神實嘉賴之豈惟寡君若若來使臣請問行期寡君將承贄帛而見于蜀以請先君

之既公將往夢襄公相持慎曰公不果行  
襄公之適楚也夢周公而行今襄公實  
祖君其不行子服惠伯曰行先君未嘗適  
楚故周公祖以導之襄公適楚矣而祖以  
導君不行何之三月公知楚鄭伯勞于許  
之梁孟僖子為介不能相義及楚不能答  
郊勞四月享公于新臺使長鬣者相好以  
大屈之弓既而悔之為啓疆聞之見公公  
語之拜賀公曰何賀對曰齊與晉越欲此  
久矣寡君無適與也而傳諸君君其備禦  
三隣慎守實矣孰不賀乎公懼乃及之此  
言楚靈無信所以不終也九月公自至楚  
孟僖子病不能相禮乃講學苟能禮者從  
之遂令南宮敬叔已下學禮於孔子孔子  
與敬叔適周問禮於老子焉

疏稱寡人者即先君以寡人為賢之例是  
也○義云如上經第三十三知人者智所  
解更不重錄

疏稱不殺者即不殺惡其無誠德之例是  
也○義云春秋十一年秦晉為成將會于

令狐晉侯先至秦伯不肯涉河晉厲公秦  
桓公也秦伯次于王城使大夫史穎盟晉  
侯于河東晉郟犖盟秦伯于河西范宣子  
曰是盟也何益齊盟所以質信也魯所  
以信之始也始之不從其可質乎秦伯歸  
而背晉成十三年四月戊午晉侯使呂相  
絕秦時秦桓公既與晉厲公為令狐之盟  
而又召狄與楚欲導之以伐晉諸侯是以  
睦賓于晉呂相語秦伯曰楚人惡君二三  
其德亦來告我曰秦背令狐之盟而來求  
盟于我昭告皇天上帝秦三公楚三王曰  
余雖與晉出入余惟利是親不殺惡其無  
誠德是以宣之以德不一諸侯備聞此言  
斯是用痛心疾首唯就寡人寡人率以聽  
命唯好是求君若惠顧諸侯而賜之盟寡  
人承寧諸侯以退君若不施大惠寡人不  
佞不能以諸侯退矣敢盡布之執事俾執  
事實圖之晉樂書士燮韓厥趙盾將四軍  
郟殺御戎欒鍼為右五月丁亥晉侯以諸  
侯之師及秦師戰于麻隧秦師敗績獲秦

成羗及不更汝父此言秦伯背盟秦曲晉  
直有所敗也

上士間道章第四十一

進道若退

義云李意期乞食于人寡陰長生受辱于

都市侯道華寓跡于傭保臯庸示疾于  
丘林聲子狎狂壹公貽晦皆卑躬損志乃  
者翦景沖真也

廣德若不足

疏良賈者○義云史記云孔子與南宮敬

叔適周問禮於老子老子曰子之所言其  
人骨已朽矣獨其言在爾吾聞之良賈之  
深藏若虛君子之盛德容貌若愚去子之  
驕氣與多慙慙色與淫志皆無益于子之  
身吾所以告子者若是也

大方無隅

疏磨而涅而者○義云論語陽貨篇也

大器晚成

義云備物之用曰器者春秋定九年夏陽  
虎歸寶至夏后民之璜封父之繁弱大弓

書之曰得器用也凡獲器用曰得得用曰獲故器者備物之用也

故物或損之而益

疏書云滿招損者○義云尚書大禹謨之辭也

強梁者不得其死

疏嚴仙人○義云蜀郡嚴遵字君平常於成都市以下筮之道潛化於人人有不正之問必以陰陽之理制而止之日閱百錢而閉肆下簾作道德經指歸十四卷

天下之至柔章第四十三

不言之教

疏九流百氏○義云九流者漢書云道家流者使人精神專一動合無形瞻足萬物其為術也因陰陽之大順與時遷徙應物變化本清虛以自守卑弱以自持此人君南面之術也儒家流者蓋出司徒之官助人君明教化祖述堯舜憲章文武宗師仲尼以重其言於道最高此其所長也或夫精微而僻又隨時抑揚違離道本苟以譁

衆取容復進解儒之惡名家疏者蓋出於春官名位不同禮亦異數子曰必也正名乎此其所長也及徵為之則苟鈞鈞拊辭而已為君者慎器與名故曰惟名與器不可以假人縱橫流者蓋出於行人之官子

曰使於四方不能專對又曰使乎使乎言當權事制宜受命不受辭此其所長也邪而為之則尚詐而棄其信矣雜家流者蓋出於議官合儒墨兼名法此其所長也蓋者為之則美無歸心矣農家流者蓋出於

農官播五穀以足食足食洪範八政其一曰食此其所長也鄙者為之欲使君子並耕矣小說家流者蓋出於裨官稗小者也王者欲知風俗立稗官采街譚巷議之說子曰雖小道必有可觀致遠恐泥此亦苟

蕘狂夫之義也墨家流者出於清廟之宇茅屋采椽兼受選士敬者為推也陰陽家流者出於天官五行之說使人多拘忌也兵家流者出於司馬之官所以威不軌而昭文德兼弱攻昧以遏亂略以靖四國此

其威也百氏者六經正史之外自為述作自周以來立理著書凡百餘人皆稱曰子子者男子之通稱也不敢倖於六經皆目之曰子為論為記為書或以姓氏立稱或以因時表號則有樂子曾子晏子孟子管子孫卿子魯連子列子莊子庚桑子王孫子尹文子公孫尼子呂氏春秋鄒析子鬼谷子之例是也

名與身執親

義云伯夷死於仁聶政死於義尾生死於信荆軻死於勇龍逢死於諫伍員死於忠介推死於怒是皆名顯身歿形骨飄零披面剖心火焚水溺齒劍抉眼自取滅亡甚愛必大廢多藏必厚亡

疏劍玉賈害譬諸懷璧詩禮發家祗為合珠○義云劍玉者春秋桓十年虞公之弟虞叔有玉虞公求之弗與既而悔之曰周諺有之匹夫無罪懷璧之罪吾焉用此其以賈害也乃獻之又求其實劍叔曰是無

厭也無厭將及我恐將殺我也遂伐虞公  
虞公出奔洪池詩禮發冢者莊子外篇之  
辭也

大成若缺章第四十五

躁勝寒靜勝熱

義云天元經云立夏之後日行于地北入  
地少故夜短而晝長為熱立秋之後日行  
于地南入地多故夜長而晝短為涼日行  
去極遠近不同有暄涼寒暑之異是則寒  
暑躁靜陽氣之所運也若夫用道之君無  
為致理政靜而物泰國安而人康四表來  
王五兵不用清虛凝寂澄然恬和奸詐不  
敢侵強梁不取暴燔燧不起擊柝不驚濫  
內晏如此靜而勝矣及其化之至則謳歌  
洽敬讓興九族雍和四門穆穆制禮作樂  
舉賢用能梯航屬望而來庭書軌順規而  
稟化八表屬至羣方駿奔天地感通人神  
交暢熙熙然一變於道內絕窺窬之孽外  
無伺隙之隣歌之詠之舞之蹈之此靜理  
無為之所致也若其君以躁并臣以詐欺

動搖甲兵振耀威福強師百萬北登單于  
之臺旌旗千里東涉汎遠之岸老弱被勞  
役婦女助轉輸四海沸騰六合擾擾及其  
人之弊也戶口減耗生靈轉移野絕人烟  
晝聞鬼哭此躁勝之所致也

天下有道章第四十六

義曰夫聖人之御守也負斧耜而南面  
正也三公在朝三老在學百辟奉職修文  
德以懷遠敷道化以育人使俗洽和平家  
興禮讓來琛賚於四塞息征戍於三邊倒  
載千戈休牛歸馬然後樂耕耨糞田疇多  
稼如雲餘糧積廩或遠此則慈敵交侵  
戎馬載馳甲兵復用此無道之所為也  
天下有道却走馬以糞

義曰古人有言曰君猶舟也人猶水也人  
非君不理舟非水不行舟水相須不可暫  
失故理國之本養人為先有道之君守在  
四夷外無兵寇戈楯不用鋒鏑不施却甲  
為於三邊開田疇於四野深耕淺種家給

國肥食為人天務之大務也禮記云人者  
天地之德陰陽之交鬼神會五行之秀  
故聖人作則必以天地為本陰陽為端四  
時為柄日星為紀鬼神以為徒五行以為  
質禮義以為器人情以為田四靈以為首  
故人情者聖王之田也情田無為幾於道  
矣

天下無道戎馬生於郊

義曰理國不以道則開拓邊土侵伐戎夷  
封域不寧征役無已或貪藹督起番馬之  
役好名馬起大宛之師骨蒸窮荒血塗草  
莽管魄流飄於異域戎車淪滯於遠郊綿  
歲月以長征及瓜時而不反轉輸莫息料  
軸甚空人怨國亡禍非天與所宜深戒也  
豈若宇內不擾諸侯咸賓君民協和上下  
相保使壯士無所施其力辯士無所術其  
詞武士無所銳其鋒智士無所申其策鑄  
劍戟以為犁鋤貨佩刀而市耕積無為無  
役以全永圖  
罪莫大於可欲

義云春秋曰僖二十年宋襄公欲合諸侯魯大夫臧文仲聞之曰以欲從人則可以人從欲鮮濟言屈已欲從衆善也明年宋公為鹿上之盟宋公子目夷曰小國爭盟幸而後敗是年秋楚人執宋公遂伐宋此言以人從欲乖其道也

答莫大於欲得

義云老君悔過經云初犯為罪亦名為過過言誤也犯過一千八十為禍禍重於罪矣犯千二百六十過為咎咎又重於禍矣

不出戶章第四十七

不為而成

疏疑神瑞庫○義云疑靜也端莊肅也宸龍屏也謂倚也形若屏風畫為斧文於明堂之中牖間而設之昔周公輔成王於明堂以朝諸侯負斧宸南面而立以正君臣之位

為學日益章第四十八

為學日益

義云學者覺也悟也言以先王之道開導

情性使覺悟也勿則昏迷而不悟未可以學長則捍格而難入不可以教學有三時一就人身中為時者十三歲之後可以習業也故學記云發然而後禁則捍格而不勝時過而後學則勤苦而難成二就年中為時者內則云人之養子六年教之數一至十至百千萬也與方名東西南北也七年男女不同席不共食八年出入門戶及即席飲食必復於長者教之讓也九年教之數日朔望與甲乙至壬癸六甲也十年出就外傳居宿於外學書計十有三年

學舞勺誦詩背文而讀曰誦也十五年成童舞象學射御先舞為象似笛執而文舞也後舞象武舞也二十四而冠始學禮三十有室理男事學無方四十而仕出謀發慮五十服冠政是也三就日中為時者言隨時節氣受業易入王制曰春夏習詩雅言春夏是陽陽體清詩樂是聲聲以輕清故也秋冬習書禮秋冬是陰陰體重書禮是事事以重濁故也以輕清之時習輕清

之業以重濁之時習重濁之事故其氣相感皆易人也

出生入死章第五十

動之死地十有三

義曰人之業生有三業十惡三業者一身

二心三口業也十惡者身業有三惡一殺生二偷盜三邪淫心業亦有三惡一貪欲二嗔怒三惡癡口業有四惡一兩舌二惡口三妄言四綺語此三業十惡合為十有三矣制則生縱則死矣此十惡中各有四緣皆為煩惱根何者殺生罪中有四種緣一實是衆生二起衆生想三有欲殺心四令斷他命偷盜罪中亦有四緣一實是他物二起他物想三有欲盜心四使移本處邪淫罪中亦有四緣一實是邪境二起邪境想三發邪淫心四身受淫樂事兩舌罪中亦有四緣一是所聞人二起前人想三起離間情四發分構語惡口罪中亦有四緣一是所罵人二起前人想三起惡罵心四發惡罵語妄言罪中亦有四緣一是所

欺人二起前人想三有欺妄心四成虛遠  
說綺語罪中亦有四緣一是所詐人二起  
前人想三發綺語心四吐非義語凡此十  
惡業計五十三條  
陸行不遇兇虎

義曰瀟水湘水出九疑零陵其地有犀兕  
焉昔晉人郭文舉栖於餘杭大滄山  
與虎同處每出城市虎必隨之人或問之  
曰先生有遺乎何擊獸之馴擾若是也文  
舉曰人無害獸之心獸無傷人之意亦何  
術也

虎無所措其爪  
義云神仙傳劉剛字伯鸞與妻樊夫人俱  
得神仙之道剛為上虞令遊四明山遇虎  
虎見剛俯伏不敢起以語夫人夫人徑往  
以繩繫虎而歸如家犬馬蓋道德所攝也

天下有始章第五十二

見小白明  
疏憂悔悟者易繫辭也  
使我介然章第五十三

帶利劬

義云武備者春秋定十年夏與齊景公會  
于夾谷孔子攝行相事曰臣聞有文事者  
必有武備有武備者必有文備諸侯出疆  
必具官從請具左右司馬定公從之會所  
為壇位土階三等以過禮相見揖讓而登  
獻酬已畢齊使萊人以兵鼓諒劫定公孔  
子雁階而進不盡一等以公退曰士兵之  
吾兩君為好而裔夷之俘敢以兵亂之非  
齊君所以命諸侯也裔不謀夏夷不亂華  
俘不干盟兵不過好於神為不祥於德於  
為懲義於人為失禮君必不然齊侯心作  
虜而避之有頃齊侯妻宮中之樂倡優侏  
儒戲於公前孔子趨進歷階而上不盡一  
等曰疋夫而楚侮諸侯者罪應誅請有司  
速加法焉於是斬侏儒手足異處齊侯懼  
有慚色既盟諸侯歸責其羣臣曰魯以君  
子之道輔其君而子獨以夷狄之道教寡  
人使寡人得罪於魯君乃歸所侵魯罪謹  
龜陰之田此文事武備也

善建者不拔章第五十四

善建者不拔  
疏使儀刑作孚○義云詩大雅曰儀刑文  
王萬邦作孚孚信也文王以道垂化萬邦  
歸信也

修之家

疏易曰積善之家○義云易坤卦文言也  
修之天下

義云天子味道耽玄敬天順地誠心玄默  
端已無為言軌大同梯航入貢四夷款附  
萬國來王道無不被其德周晉矣廟堂者  
父子政事之所也德施普者易乾卦象曰  
見龍在田德施普也

以天下觀天下

義云君不修則桀紂是也生人塗炭寰海  
叛離骨肉仇讐肝腦塗地雖有謀臣武士  
不能用也雖有金城湯池不能守也以萬  
乘之貴希疋夫之生不可得也君修之則  
堯舜是也四海之內比屋可封慈惠浹於  
殊庭正朔頒於萬寓雖有水旱之災年不

害也雖有征伐之師人不怨也

唐玄宗御製道德真經疏卷之三

十三 十七

唐玄宗御製道德真經疏卷之四

舍德之厚章第五十五

十四

骨弱筋柔而握固

義云春秋鄭人伐楚屈瑕患之聞麇對

屈瑕曰師克在和不存商周之不敵君

所聞也屈瑕欲卜之曰卜以決疑不疑何

卜敗鄭師於蒲騷

以政治國章第五十七

以奇用兵

疏兵猶火也○義云春秋隱四年春衛公

子州吁弑其君完初衛莊公娶于齊東宮

得臣之妹曰莊姜美而無子衛人為賦碩

人之詩娶于陳曰厲嬀生孝伯早死其姊

戴嬀生桓公莊姜以為己子公子州吁

嬀人之子也有寵而好兵弗禁莊姜惡之

石碻諫曰臣聞愛子教之以義方不納子

邪憍奢淫佚所自邪也四者之來寵祿過

矣將立州吁乃早定之若猶未也階之為

禍夫寵而不驕驕而能降降而不憾憾而

能矜者鮮矣且夫賤妨貴少陵長遠間親

新間舊小加大淫破義所謂六逆也君義

臣行父慈子孝兄弟敬所謂六順也去

順効逆所以速禍也君人者將禍是務去

而遠之無乃不可乎弗聽石碻之子厚與

州吁遊禁之不可桓公立碻乃老二月戊

申州吁弑桓公而自立將修先君之怨於

鄭而求寵於諸侯以和其民使來告於宋

曰君若伐鄭以除君官君為主弊邑以賦

與陳蔡從則衛國之願也宋人許之於是

陳蔡將睦於衛故宋與陳蔡衛伐鄭圍其

東門五日而還宋公乞師於魯魯辭之隱

公問於衆仲曰州吁其成乎對曰臣聞以

德和民不聞以亂理亂猶理絲而芬

之也夫州吁弑其君而虐用其民不務令

德而欲以亂成必不免也州吁未能和其

民厚問定君於石子石子曰王觀為可曰

何以得觀曰陳桓公方有寵於王陳衛方

睦若朝陳使請必可得也厚從州吁如陳

石碻使告于陳曰衛國禍小老夫耄矣無

能為也此二人者實弑寡君敢即圖之陳